

簡二一 長二〇五種寬九種厚三種

缺行馬已坐西傳中已出之橫門視車已行城戶已復行車已坐橫門外須臾歸舍

按以上四簡，皆記官吏來往時刻之辭。第一八簡：「都吏葛卿從西方來，出謁已歸舍。」；都吏，當爲官名。漢書本紀：「文帝元年，二千石遣都吏循行，不稱者督之。」如淳注曰：「律說都吏，今督郵是也。閑惠曉事，即爲文無害都吏。」西域無都吏官，此云都吏從西方來，必爲由內地奉遣至西域察事者。事畢返漢，過此再東去也。與一九簡之「督使者從西方來，立發東去，」其記事正同。蓋此地居玉門關與烏壘之中間，爲通西域之徑道，故往來者咸以此地爲止息之處。故亭吏記之。又第一九簡之督使者，疑爲督郵使者之簡稱。木簡中督郵，多簡稱督。如簡牘遺文四十四云：「十月四日，焉耆玄頓首言王督郵彥時，司馬君彥祖侍者。」二十六云：「因王督致西域長史張君坐前。」此二簡均在蒲昌海北樓蘭古址中同時出土。則二十六之王督，亦即四十四之王督郵彥時可知也。又屯戍叢殘七十七云：「遣都唐循將趙」，七十六又有「掾唐循」，七十有「吏唐循」之語，亦同出於蒲昌海北，是督與都同，爲督郵之簡稱。又有督吏，或督郵諸掾，皆主督察奸宄罰負諸事也。此云督使者，漢制凡奉派至郡國皆稱使者。漢書西域傳云：「輪臺渠犂皆有田卒數百人，置使者校尉領護，以給使外國者。」又云：「日逐王將衆來降，護鄯善以西使者鄭吉迎之。」又云：「武帝感張騫之言，欲通大宛諸國，使者相望於道，一歲中多至十餘輩。」是使者爲出使外方之通稱。此云督使者，猶言使者督郵，與使者校尉同一命詞也。第二十簡：「三老來坐」者，三老爲鄉官之名。後漢明帝紀：「詔天下男子爵人二級，三老孝悌力田人三級。」注云：「三老、孝悌、力田三者，皆鄉官之名。三老高帝置，孝悌、力田高后置，所以勸導鄉里，助成風化也。文帝詔曰：「孝悌，天下之大順也；力田，爲生之本也；三老，衆人之師也。」其以戶口率置員。」此云三老來坐，則漢時鄉村制度，遍及西域矣。第二十一簡：「出之橫門」者，按西域傳云：「漢立尉屠耆爲王，更名其國爲鄯善，丞相將軍率百官送至橫門外。孟康曰：「橫音光。」徐松西域傳補注引三輔黃圖曰：「長安城北出西頭